

P A R S III.

PRO
CAETERIS AEDIUM PRAETORIANARUM INDIVI-
DUIS.

丁巳月

C A P U T I.

PRO TURMAE PRAETORIANAE AGAZONI- BUS, AURIGIS, ET STABULI FAMULIS.

Agazonem Turmae Praetorianae quantum possibile, caelibem esse oportet. Praecipuae ejusdem qualitates in eo consistunt, ut sit sobrius, et in actionibus suis seriosus, non lusor, non scortator, non divagator, aut concitator, non item litigator, non rixator, aut obtrectator. Is munditiei tam quoad se ipsum, quam relate ad concreditos ei equos, amans sit, et mandatis Scholae equestris Magistri, cui immediate subordinatus est, ad amussim obtemperet.

Singuli Agazones trium equorum utpote sui, et qui ad duos, quibus ad servitia sunt, Praetorianos spectant; tres vero stabuli famuli equorum Tympanotribae, et sex Tubicinum, duo Aurigae autem sexigae Turmae Praetorianae curam habeant.

Si Agazonum aliquem aegre valere contigerit, hujus equorum curam Agazones decem Praetorianorum equis haud provisorum gerant.

Auriga pabulum e Magazino pro equis servilibus, ita etiam occasione occurrentium Domus reparationum materialia vehat, ac alias quoque in re servitii equos injungat.

Agazo ephipia, et phaleras trium equorum suorum in conservatorio ephipiorum designato in loco appendat, loramenta autem, stannum, et amictum suum munde servet, et si sub servitio quidpiam aut fractum, aut lacерatum fuerit, Scholae equestris Magistro toties insinuet.

Ad assequendam vero munditiem se quotidie, et manus quidem smigmate lavet, crines pectat, ac pulvere capillari saepius perspergat. Anterior crinum pars trifariam implexa, ad duos sub cervice pollices cum cirro (Zopf) colligetur, qui ad novem alios pollices nigrae lineae

88 Caput I. Pro Turmae Praetorianae Agazonibus,

fasciae involutus, ad duos pollices in extremitate prostet. Crines laterales auriculatenus scindantur. Bis ad minimum quavis hebdomade Indusium mutet, totiesque barbam radat, et pedum, ac manuum unguis diligenter scindat.

Adhaec requiritur, ut amictus quotidie setaceis everratur, cothurni purgentur, et de tempore in tempus nigreruntur, alternativeque gestentur. Si in amictu quidpiam dissutum, aut laceratum fuerit, mox id consuat, et maculas, si quae fuerint, illico excipiat. Omnia denique, quibus induitus est, bene, et nitide corpori, cumprimis autem collare firmiter collo adhaereat, ne Indusii limbus protuberet.

Cura equorum ei concreditorum prima est illius obligationum, nec eapropter satis conari potest, ut in bono statu conserventur. Is equos suos nimis diligit, nec sub severissima poena eisdem ex emenso pabulo quidquam subtrahat, verum a pulveribus purget, pabulum, et aquam praescripto semper tempore propinet, insuper sedulo purget, oculos, jubar, orificia (*Schläuche*), pedes, et caudam munde lavet, et harum crines ad evitandam conglomerationem segreget, quovis item novilunio extremos fines truncet. Longiores pili circa os, mentum, et oculos singillative leniter evellantur, aures vero forficibus eradantur; Postomide (*Brämse*) autem nonnisi apud eos equos utendum est, qui mitiori modo secum agi nulla ratione sinunt, alias autem patientia, bonis, et blandis verbis equus ad perforandam aurium erosionem, et pilorum evulsionem perducendus ad laboretur. Pulveres equi purgati post tergum illius in lineas e stri-gile excutiantur, tum primum exscopandi, postquam Inspectionem habens Officialis, omnia accurate perlustravit.

Ungulae equorum saepius unguento pro his destinato ungantur, et locus, in quo stant, mundus semper, et siccus conservetur. Equos curae suaे concreditos exacte frenare sciāt, consequenter frenum, et minores habenas (*Stangen, und Trensen*) pro eo, atque necessarium erit, fibulet, et menti catenulam (*Rinnfettchen*) quoque suo in loco applicet, ne frenum quoquo modo transcidat, et minores habenae os incident; porro equus nimis ne frenetur, loramenta autem, et quidem narium firmiter, colli vero laxius fibulentur, insuper minores habenae Capistro (*Hauptgestell*) tegantur.

tur, majores denique ita applicentur, ut lora ex parte utraque aequalia sint.

Quò autem equus exacte ephipiari possit, necessarium est, ut pro hac re requisitus cento infra ehipium plane extendatur, et priusquam ehipium desuper ponatur, in meditullio nonnihil sursum attrahatur, ne secus dorso nimis tensus adhaereat. Armos porro ephipiatus equus liberos retineat, ita tamen, ne ehipium plus justo retrorsum applicetur; cingulum (Gurt) autem ita constringatur, ne ehipium sursum deorsum moveri possit.

Tam Antilena, quam Postilena (Vorder- und Hinterzeug) equum neterant, ac omnia reliqua ordinate composita sint. Pluvio, aut luto tempore cauda equi brevius ligetur, alias autem volantes caudae crines relinquuntur.

Praeattactam equos bene, ac ordinate frenandi, et ephipiandi modalitatem Agazo propriam sibi reddit necesse est.

Quilibet Agazonum sollicite intendat, equos suos intime dignoscere, eorumque sive bonas, sive malas qualitates relate ad pabulationem, et praebitionem potūs excipere, ut illis pro ratione horum adjunctorum obviari, et cumprimis tempore cuiuslibet soleationis infortunium omne praepediri, eique medela adferri possit.

Utprimum equum morbo aliquo affectum esse compertum fuerit, mox id Scholae equestris Magistro, cum omnium circumstantiarum, et genuinarum causarum, si notae sunt, enarratione insinuet, ut Faber ferrarius illico advocari, et per eum necessaria remedia adhiberi valeant.

Ex causa porro ea, quod Agazonem cum Officiali, a cuius obsequiis est, ad locum talem, ubi nullus Faber ferrarius existit, exmitti contingere possit, is scire conetur, quae remedia sint contra sanguinis submaxilla conglomerationem (Mäusehn), urinae retentionem, et alios periculosos morbos, ut haec equis suis applicare possit.

Extra servitium equos suos diligenter conservet, ita etiam post majorem commotionem incalescentes non illico stare sinat, vel pabulum, aut aquam statim propinet, ast eos praevie circumducat, et sensim

90 Caput I. Pro Turmae Praetorianae Agazonibus,

refrigerari permittat, insuper dimissione catenulae menti, relaxatione cinguli, attractione crinitii, et abstersione oculorum alleviamen procuret.

Caeterum oportet Agazonem in omnibus actis, et factis suis modestiam praeserferre, ac inurbanum agendi modum sollicite evitare. In stabulo, aut in platea fumigare, porro in platea edere, bibere, circumstilire, clamare, aut indecenter currere ne praesumat, nec sub gravissima poena se inebriet.

Pecunia singulis mensibus emensa ei sufficiat, et ex hac lotio nem linteae quoque supellectilis, aliasque ad munditiem spectantes minutiores res sibi procuret; quapropter lusus pro pecunia quam severissime prohibetur, non absimiliter debita contrahere, aut aliis quidpiam mutuare, vel pecunias aliorum necessarias in potu pessum dare caveat.

Illiis obligatio est, duobus Praetorianis, a quorum obsequiis est, servire; id quod tamen nonnisi ad purgandos cothurnos, everrendas setaceis vestes, scopanda cubicula, et sternendos lectos extenditur; pro cujuscemodi serviis is duntaxat ab hora 7 usque 8 quotidie adhiberi potest, ne alia in stabulo peragenda servitia negligat; Et ideo eo minus se per Officiales suos aliquo mitti sinat, casu, quo eum per Domus Com mendantem in re servitii exmitti contigerit, excepto.

Si quidpiam petendum, aut querelam deponendam habuerit, vel si in abitu ex aedibus praetorianis, et reditu se insinuare debuerit, aut quidquid aliud proponere voluerit, Scholae equestris Magistrum accedat, et rem eidem insinuet, querelis vero hunc ferentibus ad Secundarium Vigiliarum Magistrum Inspectionem habentem se convertat. Quodsi autem querela contra unum e Praetorianis, a quorum obsequiis est, directa foret, casu in hoc Primarium Vigiliarum Magistrum, cuius Brigadae Praetorianus ille adlectus est, adeat, ac nonnisi eotum, ubi apud hunc nullam satisfactionem impetraret, Secundarium, et Primarium Locumtenentes, tum Capitanei Locumtenentes, demum Turmae Capitaneum accedere ei integrum est.

Utprimum se aegre valere senserit, qualiscunque morbus sit, mox eum insinuet, siquidem in exordio paucorum medicamentorum usu malum morbi opprimi, e contra minima protelatione locum habente morbus longe difficilius expelli valeat.

Sub itu totius Turmae Praetorianae in Corpore, aut partis duntaxat illius Agazoni ex assignato eidem ordine eggredi sub incurrenda poena vetitum est.

Quotiescumque in servitio constituetur, aut ad Urbem, vel quocunque demum ex aedibus praetorianis exiverit, framea se accingat, et toto servitii tempore in designato loco semper se contineat presto ad quaequaer futurus; Adhaec sub occurrente equitatione violentato, et subfracto gressu (*Pas*) nunquam procedat, postquam autem ex equis descensum est, iidemque quopiam in loco alligandi fuerint, in ea altitudine capita eorum alliget, ne se terere, aut volutare in terra possint.

Non absimiliter stapedes elevandi erunt, id quod post quamlibet equitationem facere, et tam antilena, quam postilena ehippii relaxare oportet.

In reliquo omnia ea, quae sive per Praetorianos, sive per Scholae equestris Magistrum ex officio jubebuntur, sine minima contradictione quam citissime, et exactissime effectui mancipet.

Si quis Agazonum equum compresserit, aut ex petulantia, vel negligentia laeserit, in talem pro ratione circumstantiarum quam severissime animadvertisetur.

Quum equi serviles Turmae Praetorianae causâ commotionis educuntur, Agazoni sub incurrenda secus poena incumbit, se cum tribus equis suis insimil, ac in serie tenere, ne ob relictam culpâ propriâ seriem ipse, et alii eum sequentes ad assequendam seriem currere necessitentur; insuper quam maxime sollicitum eum esse oportet, ne ullus equus liberetur.

Duo semper Agazones in quolibet stabulo vigilias praestabunt, singulis viginti quatuor horis permutandi, qui sub nullo praetextu stabula deserere praesumant; cumque iidem sive uxorati, sive coelibes sint, hoc tempore nec apud Domûs Tracterium, nec alibi prandere, et coepiare audeant; hinc per unum e sociis suis tam esculenta, quam poculenta ad stabulum sibi adferri faciant; minime autem de nocte stabulum relinquere eis licitum est, per integrum noctem vigilaturis, eo quod pro omni infortunio oneri responsionis obnoxii sint. Quilibet Agazonum

92 Cap. II. Pro Aedium Praetorianarum Mediastino.

Hyeme hora vespertina octava, et Aestate hora nona domum ad stabula sub incurrenda poena redeat.

Qui ex Agazonibus deprehensus fuerit, sequioris sexus Personam ad stabula, aut cubiculum Agazonum induxisse, vel occultasse, is viginti quinque baculorum ictibus, et repetitis transgressionis casibus severius etiam plectetur.

Parem rationem subeunt deprehensi fures, etiamsi ligna duntaxat focalia surrepta, et absportata fuerint.

Si Agazo, aut aedium praetorianarum Mediastinus, aut alter aliquis e reliquo Domus Personalis statu aresto punitus fuerit, eotum unus pro alio veniam implorabit.

Unus ex Agazonibus quotidie sub elargitione Mandatorum praesens adsit, qui accepta a Turmae Prostrate Mandata ad Scholae equestris Magistrum, et Fabrum ferrarium perferet.

CAPUT II.

PRO AEDIUM PRAETORIANARUM MEDIASTINO.

Aedium praetorianarum Mediastini personales qualitates easdem esse oportet, quarum apud Agazonem mentio facta jam habetur; Hic relate ad munditiem, quam quoad se ipsum sectandam habet, non absimiliter, quoad explendas obligationes suas, et observandam fidelitatem ad ea in minimis etiam quibusvis objectis relegatur, quae eatenus pro Agazone praescripta sunt.

Quemadmodum autem Agazo a Scholae equestris Magistro, ita Mediastinus a Domus Inspectore, cui immediate subordinatus est, dependet, sine cuius praescitu proinde nec pro momento ex aedibus praetoria-

Cap. II. Pro Aedium Praetorianarum Mediastino. 93

nis exire audet. Si vero aliquid petendum, vel querelam deponendam, aut quidquid aliud proponendum habuerit, ad Domūs Inspectorem omni in casu se convertat, cuius obligatio postmodum erit, querulantem, aut sollicitantem quietum reddere, et praestandā ulterius insinuatione id, quod justum, et aequum est, exoperari; Querelis autem ipsum Domūs Inspectorem ferientibus has Inspectionem habenti Secundario Vigiliarum Magistro proponat, rem ad ipsum Domūs Commandantem perlatu.

Mediastini obligatio est, omnes in aedibus praetorianis occurrentes manuales labores perficere, utpote: currus lignorum focalium deonrare, haec serrare, et consecare, cubicula calefacere, et occasione occurrentium Domus reparationum nullum laborem fugere, solennes Praetorianorum uniformes vestitus excutere, omniumque Domūs Mobilium curam gerere, cum primis autem secessus munde servare, et si per Domūs Commandantem in servitio missus aliquo fuerit, itus hos perficere.

Singulis diebus Mercurii, et Sabathi ambitus, scalas, et omnes angulos purget, ac munde scopet, pulveres autem, et lutum in ambitibus ne relinquat, ast ad sterquilinium deferat.

Mediastino sub amissione servitii vetitum est, ligna focalia, calcem, aut alia materialia ex aedibus praetorianis absportare, vel plane haec venumdare, aut extraneis ad instar Mercenarii laborare, taliterque obligationes suas postponere.

Ambituum illuminatio Mediastino aequi incumbit, quapropter diligenter inspiciat, num lampades lucide ardeant, extinctas autem accendat, et ellychnium ita dirigat, ut per noctem integrum ardeat.

Duo ad minimum Mediastini singulis noctibus in aedibus praetorianis dormiant, ut, si quid evenire contingeret, praesto adsint.

Adhaec Mediastini in Sacello quoque Turmae Praetorianae occurrentia servitia praestabunt, et majoribus festivis diebus sub sacro Missae Sacrificio faces preferent, ac Thus, et Thuribulum ad Aram ferent, generatim autem in hujuscemodi occasionibus Turmae Capellano inseruent.

CAPUT III.

PRO FABRO - FERRARIO TURMAE PRAETO- RIANAE.

Faber hic ferrarius Turmae Praetorianae Hipiatrus (*Noßarzt*), est; quapropter eum praelectiones artis veterinariae in Scholis Caesareo - Regiis audivisse oportet; Praeter bonum moralem Characterem, Professionis quoque suae apprime gnarus, insuper cunctis ad officinam suam requisitum Instrumentis provisus sit. Caeterum bonum illud servitium, quod Turma Praetoriana ab eo depositum, a bono morali Charactere illius, et exacta Professionis suae cognitione dependet.

Is cumprimis in Anatomia, et cognoscendis equorum quibusvis defectibus expertus sit, quos, si invaluerint, tam interne, quam externe curare, praemetuendisque morbis, et aliis defectibus efficacium medicamentorum usu, et prae cautionibus obviare sciatur. Quemadmodum autem non raro exiguorum, ast debito tempore applicitorum remediorum usu periculosis, et perniciosis morbis obviari potest; ita pro horum accurata applicatione, et male affectorum equorum (*marode Pferde*) resanatione omnis cura convertenda est, eo, quod multis hujuscemodi equis penes Turmam Praetorianam existentibus Faber ferrarius omnem existimationem perditurus, ac jure merito oneri responsionis obnoxius futurus sit.

Methodum equos soleandi, et bonas ungulas nutriendi apprime sciatur, caveatque has clavo quaqua ratione laedere, secus repetitō errore hoc punietur.

Adhaec eidem praeferenter incumbit, nonmodo aetatem, ast qualitates etiam, et elegantem equorum structuram, non absimiliter deformitatem eorum quam exactissime dignoscere, et dum emuntur, ad omnia

Cap. III. Pro Fabro-ferrario Turmae Praetorianae. 95

haec summopere advertere; ita etiam, num aliqui elustrandi sint, prudenter dijudicare.

Pro percipiendis e cassa menstrue Octuaginta Quinque florenorum Stipendiis tenetur cunctorum Turmae Praetorianae servilium equorum quosvis morbos, et defectus curare, ac soleationem quoque sine protelatione, et debito semper tempore procurare; quocirca bene perpendat, quae soleae forma hujus, aut illius equi ungulae quam maxime conveniat, siquidem conservatio, et nutritio bonarum ungularum summam attentionem ejus exposcat, nec eapropter soleationi, et ungularum conservationi sat, superque invigilare possit.

Quum pro receptione nonnullorum novitiorum equorum exmissus nefors fuerit, eotum non modo absque omni vel minimo privato suo commodo, et conscientiose rem agat, verum omni etiam hac in parte circumspectione utatur.

Si aliquid petendum, aut querelam deponendam, vel quidquid aliud proponendum habuerit, Secundarium Vigiliarum Magistrum Inspectionem habentem accedat; quotidiana autem mandata per unum ex Agazonibus ad eum perferentur.

Cum per officinam ejusdem in aedibus praetorianis assignatam una transitus sit ad plateam; hinc demandet, et serio injungat Sodalibus suis, ne ullum Turmae Praetorianae Individuum, quodcunque illud sit, eo minus extraneos per eam aedes praetorianas intrare, aut exire permittant, et si quispiam Agazonus, aut Mediastinorum praesumeret, aliquid sub pallio, aut in labro e domo per officinam efferre, is detineatur, visitetur, et inconveniens hic actus illico insinuetur.

Unus e Sodalibus suis quotidie, die, nocteque in aedibus praetorianis se contineat, ut ad omnem casum usus illius statim haberi possit.

CAPUT IV.

PRO TUBICINE TURMAE PRAETORIANAE.

Siquidem Tubicen Praetorianae Turmae occasione non minus cujusvis officiosae eggessionis, quam etiam pro diversis aliis Praetorianorum occupationibus signum per tubae impulsū dare debeat; hinc ne propria culpa sua extra statum ponatur, obligationi huic suae satisfaciendi, attendat, sobriusque constanter, et praesens adsit; quapropter Instrumenti sui debitam etiam curam gerat, et in inslanda musicali modo tuba (*musikalische Aufzüge*), cumprimis autem in impulsibus campestribus (*Feldstöße*) se exerceat, qua in re eo magis versatus sit, quod nemo pro Tubicine Turmae Praetorianae suscipiendus sit, qui non praevie penes unam, alteramve Legionem servivit.

Unus e Tubicinibus quotidie penes Domūs Commendantem a servitiis erit, apud quem proinde, quum matutina Relatio praestatur, tam permittatus, quam huic in servitio succedens se insinuent. Caeterum autem hic a servitiis existens Tubicen praescripta ab infra capite de doméstico ordine signa per decursum diei inflabit, et pro elargitione Mandatorum compareat, tum concernentia Mandata ad Tympanatribam perferat.

Si quidpiam petere, aut querelam ponere intendit, vel si domo exiverit, aut rediverit, apud Secundarium Vigiliarum Magistrum Inspectionem habentem se insinuet; caeterum autem munditiem summopere sectetur.

Qui a servitiis est Tubicen, is die, nocteque in aedibus praetorianis se contineat, et quamprimum in Caesareo-Regiá Residentia Incendium observaverit, illico Classicum (*Allarm*) tuba canat; id quod tunc quoque, si in vicinia Regiae Domūs, aut aedium praetorianarum exortum Incendium periculum minaretur, observandum habebit.

Cap. V. Pro Turmae Praetorianae Tympanotriba. 97

Qualia autem signa, et quo tempore existens a servitiis Tubicen per decursum diei inflare debeat, id alio in loco attatum habetur.

CAPUT V.

PRO TURMAE PRAETORIANAE TYMPANO- TRIBA,

Tympanotriba Turmae Praetorianae Tubicinibus praeest, quibus bono exemplo praeeat, insuper sobrius, et moderatus vir sit.

Super musicalibus Exercitiis Tubicinum non modo in campestribus impulsibus, sed et in aliis musicalibus notis canendis, nec non super eo, ut insimul tubas inflantes Tubicines accuratam obseruent, Tympanotriba superinspectionem habet; quos proinde ad exactissimum obligationum implementum stringat, nec minimum indecentem agendi modum apud eos toleret.

Porro ad id etiam advertat, ut tubae constanter in bono statu, et mundae conserventur, insuper praementionatae campestres musicales notaes abs errore conscriptae praesto adsint, per cunctos Tubicines juxta musicale tempus aequaliter canendae.

Quem in explendis obligationibus suis negligentem observaverit Tubicinem, illum Praefecturae aedium praetorianarum deferat.

Mandata Tympanotribam concernentia per Tubicinem a servitiis existentem ad eum perferentur.

Quid autem dominicis, ac festivis diebus, relate ad edenda tribus vicibus pro sacro Missae Sacrificio signa, observandum ei sit, id alio in loco praescriptum est.

CAPUT VI.

PRO TURMAE PRAETORIANAE PORTARIO.

A Portario Turmae Praetorianae omnis possibilis vigilantia requiritur, eo quod ab illo potissimum dependeat, ne suspecta, et nequam hominum fex ad aedes praetorianas clam intret.

Is proinde Individua, quae quidem extra aedes praetorianas degunt, ast quoad Professiones, quas exercent, aliaque negotia saepius ad aedes praetorianas comparere debent, bene, et de persona noscat; Inter Individua isthaec numerantur varii Opifices, et Lotrices. Quod vero alios diversas, et cuiuscunque generis Merces ostiatim circumferentes, cumprimis autem feminas, nec non Iudeos, ac quosvis alias variorum effectuum, et pomarios negotiatores concernit, hi nullo, quoque demum sub praetextu, ad aedes praetorianas immittantur.

De die, cumprimis autem vespere attendat, ne quid per Ianuam clam ex aedibus absportetur, et si observaverit, quod quispiam sub pallio, aut in labro aliquid efferat, mox eum detineat, et visitet, ac ad hoc perficiendum militares Vigilias eatenus edoceat.

Ianuam Domus hyeme, et aestate statuto tempore claudat, tardius domum redeentes accurate praenotet, et Schedam hujusmodi sequenti die medio officialis Inspectionem habentis Domus Commandanti exhibeat. Caeterum prohibetur eidem sub amissione servitii omne his in cassibus partium studium, aliquique secundarii fines, aut pecuniae in sui corruptionem offerendae acceptatio.

Litterarum pro Individuis Turmae Praetorianae e Posta advenientium distributionem, prout abeuntium ad Postam transportationem Portarius procurabit.

Cum Divina in aedibus praetorianis peragi solita praecise, et uni-

Caput VI. Pro Turmae Praetorianae Portario. 99

ce pro Turmae Individuis, nullatenus autem pro Extraneis celebrentur; hinc Portarius dominicis cumprimis, et festivis diebus praeter Individua ad Turmam pertinentia neminem, quisunque ille sit, ad aedes immittat, et una curet, ut stabuli — ac reliquum famulitum in magno conclavi remaneat, non autem ad Sacellum pro solis Officialibus destinatum intret.

Adhaec inferiorem Officialem militarum Vigiliarum edoceat, ne per tempus, quo ipse Portarius Divinis interest, Vigiliae ullum immitant, utve Praescriptum hocce tam per eum, quam etiam per Militem in vigiliis stantem ad Ianuam aedium praetorianarum observetur.

CAPUT VII.

PRO AEDIUM PRAETORIANARUM INSPECTORE.

Inspector aedium praetorianarum inculpatae vitae, nec non sedulus, accuratus, et Architecturae nonnihil gnarus sit, obligationibus item suis quam exactissime satisfaciens.

Qui, cum Mediastinis immediate praesit, non tantum horum, et respective Agazonum praescriptas Obligationes ad amussim, et de memoria sciatis, ast eosdem quoque ad illas explendas serio omnino, et necessitate exposcente severius stringat, generatim autem eo intendat, ne ullus a labore eum concernente se subducatur, et Extraneis laboret; Nullum attamen Mediastinorum verberibus punire audeat, verum maiores reatus Superioribus insinuet, ut Delinquens pro ratione circumstantiarum seu puniatur, seu e servitio dimittatur.

Quod munditiem in aula aedium praetorianarum, et in ambitibus servandam, cubicolorum item calefactionem, et alia his similia concer-

100 Cap. VII. Pro Aedium Praetorianarum Inspectore.

nit; labores hujuscemodi Domus Inspector juxta contignationes aedificii inter Mediastinos distribuat; Si vero lignorum focalium fissio, et serratio, ac alii similes manuales labores intervenerint, ad hos perficiendos omnes Mediastini adhibeantur, et stringantur.

Domus Inspector vigilet, nec unquam admittat, ut quispiam Mediastinorum citra praescitum Domus Commandantis in privatis negotiis aliquo exmittatur.

Mobilia cujuscunque demum sortis, aliique effectus curae Inspectoris concredit sunt, pro quibus proinde stabit, et cavebit.

Imo totius aedificii Turmae Praetorianae summa cura ei incumbit; Quapropter minimas quasvis hic, aut ibi necessarias Reparationes illico insinuet, eo quod hae initio facili labore perfici, e contra protelatione ex negligentia locum obtinente maiores impensas post se trahere soleant. De omnibus, et singulis, quae seu comparanda, seu reparanda praecipientur, aut quidquid alias mandabitur, Domus Commandanti exactissimam semper Relationem praestet, quae eidem, tametsi is ad rem oeconomiae nullum plane influxum habeat, scitu tamen necessaria sunt.

Quum in aedificio Turmae Praetorianae notabilis aliqua Reparatio praesuscipienda est, eotum Inspector non modo summam diligentiam, et attentionem eo convertat, ut cuncta omni possibili cum parsimonia comparentur, et sedulo laboret, ast extremum etiam in modum vigilet, ne per Operarios, et Mediastinos minimum quid e Materialibus absportetur.

Aedes praetorianas quotidie perlustret, singulis autem mensibus semel ad minimum totius Domus generalem visitationem peragat, et si quid ruinae proximum repererit, id instantanee Officiali stabali rei oeconomiae curam gerenti, nec non Domus Commandanti insinuet.

Quovis vespere inspiciat, num lampades bene impletae sint, et ardeant, numve duo Mediastini de praescripto in aedibus praetorianis noctem transigant.

Vasa pro asservanda in pavimento aqua quovis anno bis recenti aqua repleri faciat, et hic una ad id animadvertisat, ut, si profundae nives deciderunt, canales tecti tempestive purgentur, quo solutae nives libere defluant.

Cap. VII. Pro Aedium Praetorianarum Inspectore. 101

Eidem porro incumbit, lignorum tam aedilium, quam focalium curam gerere, ne quid ex his inutiliter comburatur, aut absportetur. Lignorum proinde depositorum constanter, et praesertim de nocte clausum teneat, clavim autem abinde nemini concredat.

Omnium, quae ejus curae concredita sunt, Domus Requisitorum singulis annis Inventarium conficiat, et propria nominis sui subscriptione munitum rei oeconomiae curam gerenti stabali Officiali exhibeat, in Cancellaria Ratiociniorum asservandum, et sub Lustra producendum. Id autem, quod decursu anni neo-comparatum, aut deterioratum est, Inventario huicce in rubrica de- et accrescentiae specifice inducatur.

Domus Inspector non minus, quam Scholae equestris Magistro, et cuivis Praepositorum severissime prohibitum est, cum Mediastino, aut Agazone, aut quocunque alio ebrio ad jurgia se immittere, talis enim arresto plectendus, et suo loco denunciandus est, ut in eum dein sobrietati redditum pro demerito animadvertisatur.

Si incendium non modo in aedibus praetorianis, ast in vicinia quoque earum oriretur, mox Domus Inspector equos praesto existentibus Siphonibus incendiariis jungi faciat, Mediastinos, et Agazones accerseat, et cum his pro auxilio properet.

CAPUT VIII.

PRO TURMAE PRAETORIANAE SCHOLAE EQUESTRIS MAGISTRO.

Servitium Scholae equestris Magistri penes Turmam Praetorianam ponderosissimas involvit obligationes; quare necessarium est inevitabiliter, ut is non modo sobrius, honesti animi, patiens, non praeceps, et ad minima quacquae excandescens, odii item, et partium studii expers, die,

102 Caput VIII, Pro Turmae Praetorianae

nocteque indefessus, subordinatis stabuli Individuis bono agendi modo exemplum praebens, et in cunctis aequus, ac justus sit; ast equos quoque noscat, et equitationis gnarus sit, ut parte ex una relate ad equos omni in eventu se ipsum illico juvare, parte vero ex altera Praetorianis Militibus in equitando lectiones dare, eosdemque instruere sciat.

Quamvis autem unus e Secundariis Vigiliarum Magistris, Officialis item Inspectionem habens superinspectionem, et influxum ad stabula habeat; Scholae nihilominus equestris Magister Individuum illud est, cuius curae universum stabuli Personale cum equis servilibus, et sexiga Turmae subest, pro quibus proinde omnibus cavebit, et omnis responsio-
nis habebit.

Praecipua ejus obligationum est, ad ordinatam, et accuratam equorum pabulationem attendere, nec non disciplinam inter stabuli Individua manutenere.

Agazonibus sedulo invigilet, et eos connumeret, num pabulationi, et purgationi eqitorum omnes intersint; absentes autem medio Officialis Inspectionem habentis Domus Commandanti denunciet, insuper visitet, num omnes vesperi debito, ac praescripto tempore domi adsint.

Nemini Extraneorum citra indultum Turmae Capitanei sub gravissimo responsionis onere, et incurrenda secus poena admittat, ut in stabulis aedium praetorianarum aut commorari, aut noctem exigere possit, cumprimis vero seminas suspectas nullo unquam tempore ibidem toleret.

Praeexistentia quatuor ephipiorum conservatoria bene, et in ordine composita teneat.

Ephipium cuiuslibet Officialis, et Agazonis numero providendum est, huic vero locus assignandus, in quo tria suae curae concredita ephiphia asservet.

Ad praecavenda furta, et securas reddendas phaleras clausa teneantur die, nocteque ephipiorum conservatoria, et clavis apud Agazonem vigilias in stabulo habentem asservetur.

Agazones porro stringat, ut pluvio, ac luto tempore phaleras siccent, et purgent. Alias autem stannum in phaleris existens semel ad minimum per mensem contusis carbonibus nitide perpurgetur.

Ephipia nullo unquam tempore in stabulo, aut in schola equestris disjecta reperiantur; id quod etiam de germanicis ephipiis pro lectinibus adhiberi solitis intelligitur.

Aestiva equorum Tegumenta quovis anno 1 May, hyemalia vero 1 Novembbris distribuat. Haec posteriora de aestate per Agazones saepius excutiantur, ne per tineas destruantur, illa vero, postquam omnia collecta sunt, laventur, et recondantur.

Unò, alteròve ex Agazonibus e vivis excedente, aut e servitio dimissò existente, incumbit Scholae equestris Magistro, ut ejusdem amictùs frusta ea, quorum perdurationis tempus necdum effluxit, accurate recipiat, et Computuum Ductori erga Reversales consignet; super ephipiis vero, item phaleris, et reliquis stabuli Requisitis eousque respondere tenetur, quoad illa neo-suscepto Agazoni admanuata fuerint.

Fimum equorum servilium Scholae equestris Magister vendat, et aere hoc requisita pro purgandis equis Instrumenta, uti sunt setacei, strigiles, spongiae, pectines, et his similia de tempore in tempus pro eo, atque necessum fuerit, Agazonibus procuret.

Neq-susceptos Agazones Turmae Prostrati, qui eos quotidianae Relationi inducere debet, praesentet, tum vero in ephipiandis, frenandis, et purgandis equis diligenter instruat, nec apud ullum eorum toleret, ut in altissimo servitio non comptus, aut impexus, et pulvere capillari non inspersus compareat.

Quovis semestri omnium cujuscunque generis stabuli Requisitorum, et Mobilium scriptam consignationem Stabali Officiali rei oeconomiae curam gerenti exhibeat, et quid penitus deterioratum, consequenter neo-comparandum sit, in ea praenotet.

Agazonum uxoribus, eo minus extraneis feminis sub praetextu, quod lavare, aut aquam auferre velint, ad stabula clam intrare sub gravissimo responsionis onere ne admittat, siquidem hoc abusibus luridissimae hominum feci occasionem, et ansam praebere possit.

Ut autem Scholae equestris Magister Agazones, et reliquum stabuli Personale ad explendas obligationes cohibere, et in limitibus tenere possit, necessum ei est, horum praescriptas Instructiones ex asse scire, minimum quemvis errorem eis exprobrare, et nihil dissimulare.

104 Caput VIII. Pro Turmae Praetorianae

Lectisternia pro Agazonibus accipientur ex hujate militati Magazino erga consuetam persolutionem. Scholae proinde equestris Magister curet, ut liteamina singulis mensibus, stramen vero quovis trimestri mutetur, ac generatim in cubiculo Agazonum mundities servetur.

Scholae equestris Magister universos Praetorianos Milites in equitatione instruat, et pro initiantibus bene instructum, ac mansuetum equum, praesertim sub concensione quietum adhibeat. Is summopere admittatur initianti cum primis ab exordio tradere, ut justam posituram, et firmam sedem in equo obtinere adsuefiat; erectò proinde corpore, elevatò capite, inflexis nonnihil, sed bene compressis genibüs, et elatis pedum digitis ita ephipio insideat, ut pedes potius propiores sint ventri equi, quin tamen hunc contingent, quam ab eo remoti.

Exactam autem equos condescendendi Methodum Praetorianos Milites dupplici ratione docebit, quippe primo: Praeparatus collocat se ad sinistram equi partem penes anteriores ejus pedes, apprehendit dein manu dexterā superiorem habenarum partem, sinistra vero nodum mobilem (*Schiebknopf*) versus equi collum retrahit, quin tamen habenas nimis abbreviet, ut equus eo pacatius stet, et non regrediatur; tum capit sinistra quidem manu attactas habenas (superiorem earum partem trans articulos ejusdem sinistrae manus a dextris deorsum projiciendo) una cum parte jubae ephipio proximae, dextera vero stapedem, cui sinistrum pedem imponit.

Postquam secundo equum consensurus est, apprehendit manu dextera posteriorem ephippii partem, et elevat se una ad stapedem adjutoriō pedis dexteri in digitis collocati, qua in positione sub ipsa instructione nonnihil subsistit, tum transilit dextero pede (cujus genu fixum, et digitii introrsum flexi sint, corpus autem, et caput rectum) tergum equi ad dextram ejus partem, ac momento hoc posteriorem ephippii partem manu dextera tentam mittit, eademque inverso modō, pollice nempe extorsum, digitis vero introrsum flexis, anteriori ephippii parti appositā se fulcit, ut leniter omnino ephipio insideat; pedem demum dexterum stapedi dextero sine manus adjutorio imponit, seque in ephipio aequaliter collocat, ac omnia reliqua ita adpromptat, ut directe intra equi aures aspiciat, et perfectam positionem teneat, pectus equi demum aequaliter collocatum sit.

Habenas teneat manu sinistra ea ratione, ut digitus auricularis eam
loramenta segreget, reliqui vero tres digiti ea circumplexant. Pollex nonnihil dextrorum inclinatus latitudini loramenti habenarum firmiter adhaereat, nodus autem mobilis articulis digitorum auricularis, et annularis, ubi ambo divelluntur, adjaceat, eoque proinde fine habenae in ea distantia apprehendantur, ut manus cum habenis ad quatuor pollicum latitudinem supra ephipii apicem servetur; finis autem habenarum dextrorum trans articulos ejusdem manus sinistram pendens relinquatur.

Caeterum habenae palmā praescripto modo bene circumplexae firmiter teneantur, quia secus e manu serpent, ac unum lorum alio longius fiet, consequenter praesertim in gressu celeri, aut cursu concitatori (Trapp oder Galopp) equo vis imponi haud poterit, nec, si in intorsiō commotione casui proximus fuerit, juvari valebit; omnes enim equorum lapsus a negligentī habenarumprehensione proveniunt; Curandum itaque est, ne habenae nimis relaxentur, ast, quo celerior cursus est, eo firmius, et brevius teneantur.

Initianti, postquam equum concendit, stapedes adimuntur, nec eousque usus eorum conceditur, quoad sine coactione, firmiter item, et compresse ephipio insederit; imo etiam eotum nonnisi tam longi initio permittantur, ut duntaxat planta pedis eos contingat; demum in ea longitudine adaptentur, ut quum debite extensis pedibus in meditullio ephipii sedet, inferior pars stapedium uno pollice supra calceos (Absatz) pendaat, consequenter dum pedes stapedibus imponit, eorum longitudo Praescripto conformis sit.

Sub initium ducetur per cordam in circulo gressu lento, tum celeri, et si in hoc posteriori, qui principale equitationis objectum constituit, bene exercitatus est, cursu concitatori. Sub exercitio hoc nunquam quidem debitam positionem tenere negligat, versus interiorem nihilominus circuli partem praeponditum equo sentire permittat. Tandem equitat etiam libere gressu lento, celeri, et cursu concitatori.

Omnes motus, et deflexiones sensim prout necessum erit, in effectum deducat, utpote equum suum e loco antrorum, recta, aut oblique, item ad latus per deflexionem anterioris partis, et tergi dextrorum, vel

sinistrorum, demum retrorsum directe, aut cum deflexione tergi dirigere sciat, ut in statu esse possit, non modo in Schola equestri, ac alias sine impedimento, verum in plano etiam ordinate, et accommode equum suum ducere, ac regere, in celeriori item motu efficere, ut e vestigio subsistat.

Anterior autem equi pars deflectitur manu sinistra, et quidem pro eo, atque necessarium fuerit, plus, aut minus ad latus, aut pro ratione circumstantiarum retrorsum.

Dextrorum vertitur equus per eam pugni manus sinistram conversionem, ut pollex nonnihil sinistrorum, digitus vero auricularis dextrorum convertatur, qua utique ratione sinistrum habenarum loramentum abbreviabitur; sinistrorum e contra per abbreviationem dexter habendarum loramenti equus vertitur, id quod tunc fit, dum pollex nonnihil ad dexteram, digitus vero auricularis ad sinistram convertitur.

Scholae equestris Magistro incumbit generatim eo intendere, ut Praetorianos Milites oraliter instruat, qualis crurum, et pugni sub equitatione usus sit.

Tergum equi deflectitur per applicationem cruris ad ventrem ejus, et quidem per admotionem dextri cruris sinistrorum, sinistri vero dextrorum. Quo autem remotius post cingulum crura ventri equi admoventur, eo magis cedit tergum cruribus, et ad adversam partem recedit; si proinde equus anteriori parte, et tergo ad aliam situationem locandus foret, eotum manus, et crus cooperentur.

Ad procurandam equi retractionem pollex quidem antrorum, digitus vero auricularis introrum versus corpus convertatur, ac taliter utrumque habenarum lorum abbrevietur, una vero pedibus antrorum directis, et corpore sedili firmius appresso, insidens se nonnihil retro teneat. Retractio porro haec recta linea fiat, et si tergum equi dextrorum deflecteret, eotum admotione dextri cruris, prout vice versa, si sinistrorum deflecteret, sinistri cruris ad ventrem applicatione ad rectam lineam collocetur.

Remissio autem fit ea ratione, si pollex introrum versus corpus, digitus vero auricularis antrorum convertatur, et corpus modo solito aequilibrium servaverit.

Ut quis Praetorianorum e loco confestim lento gressu equitare possit, necessum ei est, ne habenas vel minime tendat, ast potius nonnihil remittat, et si per id solum equus non statim ipse ad motum se posneret, mox eum utroque pede ad semel fortius, aut leniter, pro eo nempe, atque equus generosus, vel piger, aut sensibilis est, in flexura post humeros monendo excitet, et in recta linea ducat, deflectentem vero anteriore sui parte, manū sinistram auxiliō iterum ad lineam reducat.

Equus ad celerem gressum perducetur attacta praecedente paragrapgo modalitate, si in flexura utroque pede, ast nonnihil fortius moeat, gressus autem hic eo magis accelerabitur, si habenae relaxatae, moderabitur e contra, si intensae fuerint.

Ad procurandum cursum concitatiorem pugnus elevetur, et una sinistrum crus ventri equi admoveatur, tum pugnus quidem instantaneē remittatur, ast quoad cursus hic concitator continuatus fuerit, ad quemvis successum denuo elevetur, et taliter cursus continuetur.

Si demum equus ad cursum concitatissimum (Karrriere) perducendus est, eotum habenae nonnihil relaxentur, calcaria equo dentur, et is pro viribus omnibus pellatur.

Ad retinendum seu in gressu, seu in cursu equum, id quod circa retractionem praescriptum est, ast in vehementi motu tanto fortius, et rigidius effectuetur, consequenter manus nonnihil elevetur, et insidens fortius se corpore retrahat; siquidem equus in quounque motu positus sit, eo semper momento, et in eo loco, ubi designabitur, et haberi voluerit, repente subsistere debeat.

Conservationi attamen equorum proficuum erit, si praeter necessitatem, aut in terreno lubrico sub cursu concitatissimo retenti haud fuerint, ast praevie ad gressum celerem, aut lentum inducti extiterint. Quapropter Praetoriani in accelerandis, et moderandis motibus solerter exerceantur.

Utprimum equus seu post retentionem, seu retractionem, aut quavis alias deflexiones in desiderato loco consistit, mox pugnus remittatur, qui non minus, ac crura, et corpus pristino situi restituantur.

Quilibet equus pro ratione ejusdem qualitatum tractandus, et re-

gendus est; cum pigro proinde, et somnolento equo severius procedendum est, et compertò eó, quod crure impulsus incedere nolit, calcaribus etiam fortius, aut mitius pungatur, omnia denique media, et excitatio ea mensura adhibeantur, ut haec in momento effectum producant. Generoso e contra, et sensibili equo commensurata lenitate obvietur, calcaribus vero raro admodum pungatur, quia secus inquietus reddetur, et in serie consistens disordinem causabit, si post quemvis motum ictum calcarium metuere debet. Id quod de calcaribus praeattactum est, de manū quoque sinistre officiis intelligitur, quae perinde pro ratione sensitivitatis, aut duritiei equi necessarios motus fortius, aut mitius faciat.

Si ad dextram per transversum eundum est, (rechts traversiren) eorum pugnus cum digito auriculari dextrorum convertatur, una vero quemadmodum in cursu concitatori elevetur, tum sinistri pedis crus ventri equi admoveatur, dexterum vero remotum teneatur, ut equus facilitatem dextrorum eundi obtineat. Ad sinistram autem fiunt haec vice versa.

Ut autem equus magis ad tergum collocetur, et ab anteriori parte allevietur (auf die Kruppe setzen), fit id, ut is subinde, ita dicendo, concentretur, id est: habenae intenduntur, et crura pedum ventri ejus admoveantur. Caeterum oportet quidem, ut Praetorianus Miles equum suum unice manu sinistra, et auxilio crurum regat, consequenter praeter tempus illud, ubi equus novitus instruitur, nec habenas manu utraque teneat, nec virga utatur; integrum nihilominus ei est, manu quoque dextra ad accommodandas habenas uti.

In descensu ex equo perinde manus dextera adhibetur. Ad consequendam igitur hac in parte facilitatem fines habenarum manu dextera apprehenduntur, et nodus mobilis usque ad collum equi removetur, taliterque habenae abbreviantur, quin tamen e manu dimittantur; tum apprehenditur manu sinistra luba equi ephipio proxima, sinister autem pes rigidus tenetur, et dexter eodem tempore e stapede (qui in descensu ex equo illis etiam, qui sine stapedibus equitant, dari debet) excipitur, manus demum dextera inverse ad anteriorem ephippii partem, quin tamen corpus ex erecta positura veniat, appodiaur ea ratione, ut pollex quidem ab ante, digitii vero retrorsum anteriorem ephippii partem prehendant. Eodem dein hoc tempore elevat se insidens nonnihil a dextris ex ephi-

pio, et descendit utpote; erectò corpore, elevatò capite, adjutoriò manùs dexteræ ad anteriorem ephippii partem appodiatae, et sinistri pedis ope se ex ephipio levat, ac dextrum pedem extensem, quin genu inflectatur, trans equi tergum ad sinistram partem transfert, digitosque tempore hoc introrsum flexos tenet, ut calcar extrorsum veniat, et tergum equi ne contingat. Eodem fere momento mittitur manu dextera anterior ephippi pars, et apprehenditur pars illius posterior, dein pes dexter, ac tandem etiam sinister e stapede ad terram deponuntur, manus denique dextera posteriorem ephippii partem, sinistra vero jubam mittit.

Sub instructione equorum novitiorum summam patientiam, et artem impendere oportet scholae equestris Magistrum, ut in omnibus iis, quae equis Turmae Praetorianae necessaria sunt, sine minima eorum laesione instruantur.

Frenatio equorum nimis acris ne sit, ideoque cumprimis frenum ori, et aliis circumstantiis accommodum sit. Sub initium ducantur per cordam, ast in circulo magis spatiose gressu celeri, ac intermedio tempore subinde retineantur, et nonnihil recta linea retrahantur, post tempus vero aliquod insideat eis unus ex habilioribus Agazonibus, et circumequitet gressu lento, ac celeri recta, tum sinistrorum, et dextrorum, postquam autem in hoc profecerunt, cursu concitatori, ac sub isto derepente retineantur.

Tam armorum, quam alteri cuicunque strepitui perinde sensim ad-sueiant, consequenter scolopus primo eis ostendendus, tum ante oculos lente vibrandus est, ac una, ulterave vice chalybs quoque in sclopo at tracta dimittatur. Ne vero ignem quaqua ratione metuant, ac huic plene assueviant, pulvis quoque pyrius in patenula sclopi primum quidem remotius, tum semper proprius tam ab ante, quam a tergo eorum accen datur; Explosiones denique debiliores, tum cum perfecta impletura fiant, imo in ipso equo sclopi bona modalitate, et omni cum providentia explodantur. Calcari vero equi novitii nunquam pungantur, ne secus calcitrandi, et caudas rotandi eis ansa praebeatur, et huic assuefiant.

Adhaec curabit Scholae equestris Magister, ne juvenis equis novitius, etsi is utcunque jam instructus sit, ad longius duraturum iter, aut maiores motus adhibeat, et ordinetur.

110 Caput VIII. Pro Turmae Praetorianae

Erga quietantiam, quam Scholae equestris Magister accepturus est, Pabulum pro equis servilibus Turmae Praetorianae singulis quinque diebus e militari Magazino accipiat, et pro eo caveat, ne quid minimum deperdatur, ast ex integro in equos serviles convertatur; quorsum et illud spectat, ne equis ex emenso pabulo quidquam subtrahatur, et alio quocunque demum convertatur.

Quemadmodum autem jam commemoratum est, conservationem equorum servilium unam e primis ejus curis esse; ita diligenter curet, ut non modo equi novitii ad semel siccae avenae non adsuefiant, ast sub initium stramine conciso pabulentur; verum pro equis etiam senioribus sine discrimine pabulum praevie semper a pulveribus repurgetur, et eventiletur; equis porro nec de hyeme aqua frigida, ast in stabulo nonnihil consistens subfrigida propinetur, de aestate autem saepius laventur, pro nullo denique alio, quam pro altissimo servitio adhibeantur.

Si equus aliquis compressus (gedruct), aut ex petulantia, et negligentia laesus fuerit, mox id Scholae equestris Magister insinuet, ut in eum, qui causa est, pro ratione subversantium circumstantiarum severissime animadverti possit. Ut vero damnum, quod ex compressione equi oriri potest, illico praecaveatur, necessum est, post quemvis majorem cursum equos domum reduces illico, quoad nempe adhuc calescant, sub ephipio visitare, et si praeter opinionem laesi forent, mox vino cremato, et smigate solide fricare; hac enim ratione si ephipium statim desuper ponatur, et donec equus penitus refrigeratus fuerit, illic relinquatur, omne damnum saepe praecavebitur.

Equi ex mucoso morbo suspecti, ab aliis illico segregentur; Ephipium vero, et Phalerae, ac alia omnia requisita equi ob morbum hunc contagiosum traecti, aut transfixi comburantur.

Scholae equestris Magister eo quoque sollicitus sit, ut pabulum juxta praescriptum pondus bonum, et congruum sit, non autem pulverulentum, mucidum, et uliginosum consequenter equis nocivum; Quodsi proinde minus accommodum e Magazino ei suppeditatum fuerit, Turmae Praefecturae id insinuet.

Praeter equos serviles, currus quoque Turmae Praetorianae ejus curae subsunt, quorum conservationem praesentem semper sibi habeat.

Caeterum obligationes ejus ad omnia ea extenduntur, quae cum Bono, et emolumento summi Terrae Principis conjuncta sunt.

Quamprimum equo alicui etsi minimum morbum imminere comper-
tum fuerit, Fabrum ferrarium illico accerseat, et Inspectionem habenti Of-
ficiali quoque id notificet, ut res ultra insinuetur, et referatur; equus vero
ille, apud quem suspicio morbi contagiosi est, instantanee ab aliis se-
gregetur.

Insuper diligenter investiget, num stabulorum pontes boni sint, si-
miles autem necessariae reparations sine mora insinuentur.

Scholae porro equestris Magistrum eam equorum notitiam habere
oportet, quae Secundario Vigiliarum Magistro praescripta est; Agazones
vero perinde, atque Domus Inspector Mediastinos, ad servandam mun-
ditiem cohipeat, et Instructionem pro eis elargitam semel ad minimum
quovis Mense illis praelegat.

Cumprimis autem admittatur, Agazones in exacta equorum frena-
tione instruere, et edocere.

Adhaec Capitalem quoque Listam cunctorum servilium equorum
juxta praexistens formulare Scholae equestris Magister constanter secum
gestet.

Omni porro possibili diligentia invigilet, ut per duas Ianuas illas,
quarum una ad plateam sic dictam Rovérianam, altera vero ad Pome-
rium Praesidiale (Glacis) exitum praebet, non modo ullus suspectus aedes
praetorianas clam intret, sed nec ex Individuis Turmae Praetorianae,
quiscumque demum fuerit, intrare, aut redire per easdem permittatur.
Claves proinde harum Ianuarum ipse Scholae equestris Magister con-
servet, nec ullo unquam tempore easdem apperiat, nisi Servitio Tur-
mae exposcente.

Scholae denique equestris Magister omnia ea, quaecunque in re-
servitii insinuanda sunt, Turmae Prostrati illico referat, ut quotidianaæ
Relationi inseri possint.

CAPUT IX.

PRO AGMINIS COACTORE TURMAE PRAETORIANAE.

Pro servitio Agminis Coactoris requiritur Individuum potui minime detum, adhaec in actionibus suis gravitatem praeseferens, item sedulum, et in genere boni moralis Characteris.

Agminis Coactor ducat accuratum, et exactum arestantium Protocollum. Quotidie autem mane tam de numero arestantium, quam relate ad munditiem aedium praetorianarum, Turmae Prostrati Relationes praestet.

Sub elargitione mandatorum Agminis Coactorem quotidie praesentem adesse oportet, qui dein ea, quae Turmae Capellatum, Auditorem et Chyrurgum, si hic posterior comparere ipse nequiret, concernunt, ad illos perferat; Insuper quotidie apud Auditorem se sistat.

Si observaverit, quod Praetorianorum aliquis suspectam sequioris sexus personam, quocunque demum sub praetextu, ad se venire sinat, mox id Turmae Capellano, et Prostrati insinuet, caeterum autem dissolutas sequioris sexus personas ab aedibus praetorianis arceat.

Exactae arestantium custodiae Agminis Coactor summopere intentus sit, et necessitate exposcente integra nocte lampadem ardere sinat. Quamprimum autem aliquis ob criminale delictum ad arrestum missus fuerit, mox eum ex integro visitet, pecuniis, quibusvis Instrumentis, aliisque suspectis rebus privet, haec omnia conscribat, et Turmae Auditoriatūs Iudicio resignet, unde ulteriores ordines accepturus est.

Sine Indultu Turmae Capitanei neminem arestantium scribere sinat, si vero aliquis facultatem obtinuit, tum id, quod scriptum est, nondum obsignatum Turmae Capitaneo legendum tradat.

Qui ad Agminis Coactorem mittitur catenis vinciendus, is ab illo claves vinculorum accipiet, et his sibi injectis claves iterum restituet. Quum autem alicui vincula injicienda sunt, eotum una mandabitur, num videlicet vincula simpliciter, aut per crucem, num item brevia, aut longa injicienda sint.

Vincula, et seras Agminis Coactor ex proprio comparet.

Si quispiam ex aedium praetorianarum Personali statu ad poenam carcerum in pane, et aqua subeundam condemnatus fuerit, vigilet Agminis Coactor, ne tali plus, quam concessum est, suppeditetur, ac taliter rigor poenae eludatur.

Pro hujus itaque accurato effectu, cumprimis autem pro secura arresto punitorum custodia sub poena eum secus inevitabiliter mansura caveat; quare non modo de die, ast de nocte etiam saepius eos visitet, compotationes, et societas non toleret, ad Delinquentes autem absolute nemini, et nec ipsi Turmae Capellano sine Indultu Turmae Praefecturae, quoad sententia publicata exsisterit, accessum praebeat.

Ab illis autem, qui ad arrestum apud Agminis Coactorem subeundum mittuntur, sequentes ei Taxae competit, utpote: a Turmae Praetorianae Secundario Vigiliarum Magistro, una Equitum Magistro duo floreni; a Praetoriano autem Milite, una Sublocumtenente quadraginta quinque cruciferi. Quodsi Taxae hae statim parato persolutae haud fuerint, insinuet se, ut e mensbris punitorum stipendiis supputari possint. Ex reliquo Domus Personali nemo pro poena arresti Taxam solvendam habet.

Sub Inquisitione, et Iudicio bellico Delinquentem ad Sessionem ducat praevie a vinculis liberatum, recedenti vero denuo vincula injiciantur.

Ambitus, et contignationes aedium praetorianarum omnes quotidie diligenter perlustret, et homines eo non pertinentes amandet, imo pro ratione circumstantiarum etiam comprehendat, et detineat, munditiem deinde curae sibi habeat. Caeterum juxta formulare per Turmae Praetorianae Auditoriatū Officium Anno 1791 eidem elargitum arrestantium Protocollum ducat, Rubricas illius exacte observet, et cum exitu singulorum mensium eidem Turmae Auditoriatū Officio pro inspectione exhibeat.

114 Caput X. Pro Turmae Praetorianae Fourierio.

Si quidpiam petendum, aut insinuandum, aut querelam deponendam habuerit, ad Turmae Prostratem se convertat.

CAPUT X.

PRO TURMAE PRAETORIANAE FOURIERIO.

Turmae Praetorianae Fourierius omnes ad Institutum hocce, et ejus Ratiocinium pertinentes scripturas juxta Inviationem Computuum Ductoris conficiendas, improtocollandas, et conservandas habet; quare necessarium est, ut sit fidelis, taciturnus, sobrius, et conceptum etiam ducendorum gnarus.

Si aliquo exiverit, et rediverit, si porro quidpiam petere, aut querelam deponere voluerit, Secundarium Vigiliarum Magistrum Inspectionem habentem, et Computuum Ductorem accedat, imo pro ratione circumstantiarum etiam apud stabalem Officialem rei oeconomiae curam gerentem se insinuet.

Pro Fourierio Turmae Praetorianae eo magis Subjectum capax deligatur, quod is Computuum Ductorem aegrotum in omnibus ejus obligationibus supplere debeat.

Sub elargitione Mandatorum aequa quotidie praesens adsit, ut ea, quae Cancellariam Ratiociniorum concernunt, ad Computuum Ductorem perferre valeat.
